

Тропари общие

Господу Богу и Спасу нашему Иисусу Христу

№1 Тропарь, глас 2

Тыйын Эн Яндар түсетлан кумалына, Поро, шке сулыкнам касараш йодына, Христос Юмо: Шке кумылын кап дене ыресыш күзаш келшенат, да пүрымө-шамычетым осаллан пашам ыштыме деч утарет. Сандене, таум ыштен, Тыланет мурена: чылам куан дене теменат, мемнам Утарыше, тўням утараш толшо.

№2 Ин тропарь, глас 8

Чот чаманыше Владыко, күшычын ончен, незер-влакым арален налат. Мемнан декат, сулык дене орланыше-влак деке, тол да Юмым Шочыктышо Аван кумалмыж дене мемнан чонлан кугу чаманымашым пу.

№3 Кондак, глас 8

Тамыкым сенгыше, лүддымө аралыше Воевода да Господь, мый, Тыйын ыштыме енет да кулет, курымашлык колымаш деч утлен, Тыланет моктымо мурым мурем. Пеш чот чаманыше улмет дене чыла ойго гыч мыйым утаре, да Тыланет мурем: Юмын Эргыже Иисус, мыйым серлаге.

№4 Ин кондак, глас 2

Ачан каласен мошташ лийдыме Мутшо, ег-влакым öрыктарышын ончымет да кид дене огыл, а Юмын возымо Түсет чыла сенгыше. Тыйын капан лийметым пален, тудым пагален шупшалына.

№5 Припевы

Чот чаманыше Владыко, Шке кулет-влакым чыла ойго да орлык гыч утаре, вет ме Тый декет, чаманен Утарыше Господь Иисус деке, ўшанен толына.

Божией Матери

№6 Тропарь, глас 4

Юмын Шочмо Аваж деке ме, сулыкан да ўнышö-влак, уло кумылын толына да кумалына, сулыкым кудалташ көргö чон дене йодына: Владычице, полшо, мемнам чамане, тырше, вет шуко сулыкым ыштымына верчын ме ынде йомына; мыланна, Шкендын айдемет-шамычлан, порым ыштыде ит кодо; Тыланет веле, Иктылан, ўшанена.

№7 Ин тропарь, глас 4

Юмын Аваже! Ме, йördымö-шамыч, Тыйын куатетым моктен ойлаш нигунам она чарне: Юмын ончылно мемнан верчна Тый кумал от шого гын, тунаре орлык дечын мемнам кө утара ыле? Ашныше Юмын Аваже! Тый дечет ме огына ойырло: Тый вет чыла түрлö орлык дечын шкендын айдемет-шамычым керек-кунамат утарет.

№8 Ин тропарь, глас 2

Мемнан верч чот сөрвалыше да сенаш лийдыме Пырдыж, чаманымашын Негызше, тўнялан ўшанле Вер, ме Тыйым сөрвалена: «Юмым шочыктышо Владычице, вашке тол, ойго деч мемнам утаре, мыланна вашке Полшышо ик Тый веле улат».

№9 Кондак, глас 6

Христиан-влакын ўшанле аралтышыже, Пўрышым мемнан верч сөрвальше Ўдыр, мемнан, сулыкан-влакын, кумалме йўкнам кол да, поро улмет дене, мыланна полшаш тол. Ме Тыйым ўшанен ўжына: Юмым Шочыктышо, Тыйым пагалыше-влакым эреак арале, мыланна полшаш вашке да Юмым чот сөрвале.

№10 Ин кондак, глас 6

Эн Яндар Ўдыр, Тый дечет моло полшышына уке, Тый дечет моло ўшанна уке. Ме Тыланет ўшанена, Тый денет кугешнена, Тый мыланна полшо, ме Тыйын кулет улына, да вожылмашыш пураш огыл ыле.

№11 Ин кондак, глас 8

Юмым Шочыктышо Ўдыр, Тылат, чылам сенгыше Воеводылан, мемнам шыгыр гыч утарыметлан ме, Тыйын йўрдымў кулет-шамыч, таум ыштена да Тыйым моктен, Сенгымаш мурым мурена. Тый сенгыдыме виет дене мемнам керек-могай ойго гыч утаре. Меат Тыланет тыге каласена: о, Поро Яндар Ўдыр, йывырте.

№12 Припев

Юмым Шочыктышо Ўдыр, Шке айдемет-влакым чыла ойго деч утаре, вет ме Юмо деке да Тый декет, Аралышына да сенаш лийдыме Пырдыж деке, толына. Чыла моктымо Юмын Ава, мыйын капемын орланымыжым чаманен ончал, чонемын корштымыжым паремде.

№13 Величание

Тыйым, мемнан Юмым Шочыктышо Авам, чынак мокташ күлеш, вет Тый Херувим-шамыч дечат утла пагалышашлык да Серафим-шамыч дечат танастарыдыме чапле улат.

№14 Величание

Тыйым моктена, тыйым моктена, Юмын ойырен налме Эн Яндар Ўдыр, Тыйын святой түсетым пагалена, вет тудын деке ўшанен толшо-влаклан Тый пареммашым пуэт.

Святым бесплотным силам

№15 (20) Тропарь, глас 4

Пылпомышысо куат-влакын Архистратигышт, ме, йўрдымў-влак, тендам эре йодына: мемнам, сукен возын сөрвальше-влакым, ужаш лийдыме шулдырдан чапше дене левед аралыза, күшылсў куат-влакын вуйлатышышт семын шке кумалмыда дене чыла ойго гыч утарыза.

№16 (21) Кондак, глас 2

Юмын Архистратигышт, Юмын чапшылан служитлыше, Суксо-влакым вуйлатыше да ен-шамычым туныктышо-влак, мыланна пайдалым да кугу

чаманымашым йодса, вет те Пылпомышысо капдыме куат-влакын Архистратигышт улыда.

№17 Величание

Тендам моктена, Господьым чапландарыше архангел ден суксо да Пылпомышысо чыла сарзе-влак, херувим ден серафим-шамыч, тендам моктена.

№18 Или сие:

Тендам моктена, Господьым чапландарыше архангел ден суксо-влак, тўналтыш, власть, престол, господство, куат, херувим ден лўдыкшў серафим-влак, тендам моктена.

№19 Или:

Тыйым моктена, Христосын святой архангелже Михаил, да тендам, Господьым чапландарыше святой суксо, архангел, тўналтыш, власть, куат, господство, престол, херувим ден серафим-влак, тендам моктена.

Архангелу единому

№20 (15) Тропарь, глас 4

Пылпомышысо куат-влакын Архистратигше, ме, йўрдымў-влак, тыйым эре йодына: мемнам, сукен возын сўрвалыше-влакым, ужаш лийдыме шулдыретын чапше дене левед арале, кўшылсў куат-влакын вуйлатышыже семын шке кумалмет дене чыла ойго гыч утаре.

№21(16) Кондак, глас 2

Юмын Архистратигше, Юмын чапшылан служитлыше, Суксо-влакым вуйлатыше, ен-шамычым туныктышо, мыланна пайдалым да кугу чаманымашым йод, вет тый Пылпомышысо капдыме куат-влакын Архистратигше улат.

Ангелу хранителю

№22 Тропарь, глас 6

Юмын Суксыжо, святой аралышем, мыйын илышем Христос Юмо деч лўдмаште кучо, ушем чын корнеш пенгыдемде, пылпомышысым йўратымаш деке чонем ылыжте. Тыйын вўдымет дене мый Христос Юмо деч кугу порылыкым налам.

№23 Кондак, глас 4

Господьын пуымо аралыше святой Суксо, чаманыше лий, мый дечем, йырнык деч, ит коранг, лишкат мяш лийдыме волгыдо дене волгалтаре да Пылпомыш Кугыжанышлан йўрышым ыште.

№24 Ин кондак, глас 2

Юмын служительже, чапле аралышем, мый денем, сулыкан дене, эре пырля лий, ия-шамычын осалым ыштымышт деч мыйым утаре да Юмын корныш виктаре, курымашлык илышыш нангае.

Всем святым

№25 Тропарь, глас 4

Христос Юмо, уло тўняште Тыйын орланышет-влакын вўрышт дене шергакан куэм семын Тыйын Черкет сōрастаралтын, нунын йўкышт дене Тыйым чот сōрвала: енет-влаклан Шке порылыкетым колто, калыкетлан тынысым пōлекле, да мемнан чонлан кугу чаманымашым пу.

№26 Ин тропарь, глас 2

Апостол, орланыше да пророк, святитель, преподобный да чын илыше-влак, поро подвигом ыштен да ўшанымашым пенгыдын кучен, те Утарыше деч йодаш тоштыда, сандене Тудым, Порым, мемнан чоннам утараш сōрвалыза.

№27 Ин тропарь, глас 4

Мемнан ачана-шамычын Юмыжо, мыланна эре Шке ўнгышылыкет почеш ыштыше улат. Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

№28 Кондак, глас 8

Чыла пўрымым Ыштыше Господь, пўртўсын икымше саскаже семын тўня Тыланет шўмыштышт Юмым нумалше орланыше-влакым конда. Чот чаманыше Христос, нунын сōрвалмышт да Юмын Аван кумалмыж дене Шке Черкетым – Тыйын калыкетым – тынысыште пенгыдын арале.

№29 (32) Ин кондак, глас 8

Апостол-влакын умылтарымышт да ачана-шамычын чын туныктымышт Черкылан ик оян ўшанымашым пенгыдемденят: Юмо нерген пылпомышысо шинчымаш гыч куымо чынын вургемжым чиен, Черке порылыкын кугу таинствыжым раш туныкта да чапландара.

№30 Величание

Тендам моктена, тендам моктена, апостол ден орланыше-влак, пророк ден чыла святой-влак, тендам пагален шарнена, вет те мемнан верч Христос Юмынам сōрваледа.

Святым отцам

№31 Тропарь, глас 8

Чот моктымо Христос Юмына, ачана-влакым Тый мландымбалне волгалтарышым ыштенат да нунын гоч мемнам чын ўшанымаш корныш виктаренат. Чот чаманыше Юмо, тау Тыланет!

№32 (29) Кондак, глас тойже

Апостол-влакын умылтарымышт да ачана-шамычын чын туныктымышт Черкылан ик оян ўшанымашым пенгыдемденят: Юмо нерген пылпомышысо шинчымаш гыч куымо чынын вургемжым чиен, Черке порылыкын кугу таинствыжым раш туныкта да чапландара.

Пороку единому

№33 Тропарь, глас 2

Господь, Тыйын (лўм) пророкетым шарныме кечым пайремлена, да тудым ўжын, Тыйым сōрвалена: мемнан чоннам утаре.

№34 Кондак, глас 4

Юмын Шүлыш дене волгалтше тыйын яндар шүмет ончык ужын раш каласымашын верже лийын: вет тый торасе ончыкылыкым кызытсе семын ужат. Сандене ме тыйым, поро пиалан чапле пророк (лүм), пагалена.

№35 Величание

Тыйым моктена, тыйым моктена, Юмын пророкшо (лүм), тыйым пагален шарнена, вет тый мемнан верч Христос Юмынам сөрвалет.

Пророкам двум и многим

№36 Тропарь, глас 2

Господь, Тыйын пророкет-влакым шарныме кечым пайремлена, да нуным ўжын, Тыйым сөрвалена: мемнан чоннам утаре.

№36 «а» Величание

Тендам моктена, тендам моктена, Юмын пророкшо-влак (лүм), тендам пагален шарнена, вет те мемнан верч Христос Юмынам сөрвалета.

Апостолу единому

№37 Тропарь, глас 3

Святой апостол (лүм), мемнан чонлан сулык касарымашым пуыжо манын, чаманыше Юмым сөрвале.

№38 Кондак, глас 4

Апостол (лүм), тый Черкылан волгыдо шүдыр гай улат, да Черке тыйын öрыктарыше пашат дене сотемдаралтеш, сандене ме Христосым сөрвалена: Чот Чаманыше Юмо, апостолет нерген шарнымашым ўшан дене аралыше-влакым утаре.

№39 Величание

Тыйым моктена, тыйым моктена, Христосын апостолжо (лүм), Христосын Поро Увержым шарымет годсо орланымет ден пашатым пагален шарнена.

Апостолам двум и многим

№40 Тропарь, глас 3

Святой (лүм ден лүм) апостол-влак, мемнан чонлан сулык касарымашым пуыжо манын, чаманыше Юмым сөрвалыза.

№41 Кондак, глас 4

Господын уш-акылан апостолжо-влак, те Христосын виноград вондерже лийында да, порылыкын орлангыжым конден, утаралтмашын йошкар аракажым пуэнда, йывыртymаш дене темын, ме тудым йўына да тендан нерген святой шарнымашым пайремлена, мыланна кугу чаманымашым да язык касарымашым йодын, тиде кечын сөрвалыза.

№42 Величание

Тендам моктена, тендам моктена, святой апостол-влак: (лүм ден лүм), шке тунуктымьда дене уло тўням сотемдарен, тўнян чыла ужашыжым Христос дека конденда.

Святителю единому

№43 Тропарь, глас 4

Вашталташ лийдыме Чынлык тыйым шке күтүэтлан ўшанымашын корныжым, ўнғышылыкын түсшым да языкыш пурьде илаш туныктышым ыштен, сандене тый ўнғышылыккет дене – күшнысым, йорлылыккет дене поянлыкым погенат. Святой (лүм) ачана, мемнан чоннам утарыже манын, Христос Юмым сөрвале.

№44 Кондак, глас 2

Святой Троицылан чот йөрышө кугу святитель (лүм), Юмын күдырчыжө, Святой Шүлышын пучшо, ўшанымашым ўдышө, да шоя туныктымашым чактарыше, тый суксо-влак дене пырля Юмо ончылно шогымет годым мемнан верч чарныде кумал.

№45 Величание

Тыйым моктена, тыйым моктена, святитель (лүм) ачана, тыйым пагален шарнена, вет тый мемнан верч Христос Юмынам сөрвалет.

Святителям двум и многим

№46 (54) Тропарь, глас 4

Мемнан ачана-шамычын Юмыжо, мыланна эре Шке ўнғышылыккет почеш ыштыше, Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

№47 Кондак, глас 8

Порылыклан туныктышо-влакын да иерарх-влакын сылнылыкышт семын тендам Черке мурен чапландара. Йөратен пагалыше-влаклан те сенаш лийдыме улмыда дене порылыкын шукталтмыжым да алгаштарымаш деч коранмашым шке кумалмыда дене пуэн шогыза.

№48 Величание

Тендам моктена, тендам моктена, кугу святитель-влак (лүм), тендам пагален шарнена, вет те мемнан верч Христос Юмынам сөрвалета.

Преподобному единому

№49 Тропарь, глас 8

Преподобный (лүм) ачана, мыланна Юмын пуымо түс тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шүлышет Суксо-влак дене пырля куана.

№50 Ин тропарь, глас 1

Көргыштет Юмым нумалше (лүм) ачана, тый ир мландыште илыше, капет дене Суксо гай да чудым ыштыше лийынат. Пүтым кучен, йүд-кече кумалын, молитвам лудын, пылпомышысо суапым налынат. Тый черле-влакым да тый декет ўшанен толшо-влакын чоныштым эмлет. Тыланет пентгыдылыкым Пуышылан чап, тыйым венец дене Сöraстарышылан чап, тыйын гоч чылаштлан пареммашым Кондышылан чап лийже.

№51 Ин тропарь, глас 8

(Лүм) ачана, шинчавүд йогынет дене ир мландым нөртенат да чот ойгырен шортмет дене паша саскатым шүдө пачаш шукемденат, чудо-влакет дене волгалтын,

сандалыкым волгалтарыше лийынат, мемнан чоннам утарыже манын, Христос Юмым сөрвале.

№52 Кондак, глас 2

(Лүм) ачана, Юмын полшымо дене шүм-чон яндарлыкым пойдарен, умдым пенгыдын кучымо семын молитвам эре лудын, ия тўшкам сенгенат, мемнан верчат чарныде кумал.

№53 (56) Величание

Поро пиалан улметым моктена, Юмылан йөрышө (лүм) ачана, тыйым пагален шарнена, вет тый монах-влакым виктарыше да суксо-влак дене мутланыше улат.

Преподобным двум и многим

№54 (46) Тропарь, глас 4

Мемнан ачана-шамычын Юмыжо, мыланна эре Шке ўнгышылыккет почеш ыштыше, Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

№55 Кондак, глас 2

Юмын пуымо ушан преподобный-влак, шуко тўтан гоч нөрыде эртен, капдыме тушман-влакым те шинчавўд йогында дене пытаренда, чудым ыштыме моштымашым налын, мемнан верч чарныде кумалза.

№56 (53) Величание

Поро пиалан улмыдам моктена, Юмылан йөрышө (лүм) ачана-влак, тендам пагален шарнена, вет те монах-влакым виктарыше да суксо-влак дене мутланыше улыда.

Мученику единому

№57 (60) Тропарь, глас 4

Господь, Тыйын орланышет (лүм) индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

№58 Кондак, глас 2

Орланыше (лүм), шке ўжарат дене Христос Кече толшашым увертарен, тўнялан волгыдо чын шўдыр лийынат да ондалымашын тулжым йөртенат, мемнан верч чарныде кумалын, мыланнат волгыдым пуэт.

№59 Величание

Тыйым моктена, тыйым моктена, святой орланыше (лүм), да Христос верч орланыметым пагален шарнена.

Мученикам двум и многим

№60 (57) Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

№61 Ин тропарь, глас 1

Айдемым йӧратыше Господь, Тыйын орланышет-влакын индыралтмышт верч мемнамат чамане да чыла чернам паремде манын, Тыйым сӧрвалена.

№62 Кондак, глас 8

Юмын орланышыже-влак, волгыдын волгалтарыше лийын, ӧрыктарыше пашада дене чыла чонаным волгалтареда, черым паремден да пич пычкемышым поктен колтен, мемнан верч Христос Юмым чарныде сӧрвалыза.

№63 Величание

Тендам моктена, тендам моктена, святой орланыше-влак (лӱм), да Христос верч орланымыдам пагален шарнена.

Священномученику единому

№64 Тропарь, глас 4

Юмылан йӧрышӧ священномученик (лӱм), койыш-шоктышет дене апостол да нунын престолыштым кучышо лийынат, пашат дене ужмаш кӱкшытыш шуынат, сандене мутын чынжым раш увертарен, ӱшанымаш верч вӱр марте орланенат. Мемнан чоннам утарыже манын, Христос Юмым сӧрвале.

№65 Кондак, глас 4

Юмын пуымо ушан (лӱм) ачана, святитель саныште алал кумылын служитлен, орланымаш корным эртен, тый идоллан надырым пуымым пытаренат, да шке кӱтӱэтым аралыше лийынат, сандене тыйым пагален, ӱшан дене шып йодына: шке кумалмет дене мемнам ойго гыч эре утаре.

№66 Величание

Тыйым моктена, тыйым моктена, священномученик (лӱм), да тыйым пагален шарнена, вет тый мемнан верч Христос Юмынам сӧрвалет.

Священномученикам двум и многим

№67 (46,54,73) Тропарь, глас 4

Мемнан ачана-шамычын Юмыжо, мемнам шке ӱнгышылыккет дене кучен ашныше, шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

Мемнан ачана-шамычын Юмыжо, мыланна эре Шке ӱнгышылыккет почеш ыштыше, Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

№68 Кондак, глас 3

Тендам эре волгалтарыше ушан кечын волгыдыж гайым, тиде кечын пырля погынен, муро дене моктена, вет те чыным палыдыме пычкемыште улшо-влаклан волгалтында, да чылаштым поро койыш-шоктыш кӱкшытыш нӧлталташ ӱжында, сандене мурена: пӱтым кучышо-влакын негызышт, йывыртыза.

№69 Величание

Тендам моктена, тендам моктена, Христосын орланыше священникше-влак (лӱм), тендам пагален шарнена, вет те мемнан верч Христос Юмынам сӧрваледа.

Преподобному единому

№70 (82) Тропарь, глас 8

Преподобный (лүм) ачана, мыланна Юмын пуымо түс тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

№71 Кондак, глас 2

Эре моктымо (лүм-ым), пўтым пенгыдын да моштен кучышым, шке кумылын орланышым, ир мландыште илаш йўрышым муро дене пагален чаплена, вет тудо кишкым тошкен лаштыртен.

№72 Величание

Поро пиалан улметым моктена, Юмылан йўрышў орланыше (лүм) ачана, тыйым пагален шарнена, вет тый монах-влакым виктарыше да суксо-влак дене мутланыше улат.

Преподобномученикам двум и многим

№73 (46,54,67) Тропарь, глас 4

Мемнан ачана-шамычын Юмыжо, мемнам шке ўнышылыкет дене кучен ашныше, шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

Мемнан ачана-шамычын Юмыжо, мыланна эре Шке ўнышылыкет почеш ыштыше, Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

№74 Кондак, глас 2

Юмын пуымо ушан преподобный-влак, шуко тўтан гоч нўрыде эртен, капдыме тушман-влакым те шинчавўд йогында дене пытаренда, чудым ыштыме моштымашым налын, мемнан верч чарныде кумалза.

№75 Величание

Поро пиалан улмыдам моктена, Юмылан йўрышў орланыше-влак (лүм), тендам пагален шарнена, вет те монах-влакым виктарыше да суксо-влак дене мутланыше улыда.

Мученице единой

№76 (88) Тропарь, глас 4

Иисус, Тыйын (лүм) пачат кугу йўкын ўжеш: Качем, Тыйым йўратем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йўратен кондымо яндар надыр семын мыйым нал. Тудын сўрвалымыж дене, Чаманыше Юмо, мемнан чоннам утаре.

№77 Кондак, глас 2

Чоннам паремдыше семын тыйын чот святитлыме храмetyм муын, ме, ўшанле-влак, чылан тыйым кугу йўк дене йодына: чот моктымо орланыше яндар ўдыр (лүм), мемнан верч Христос Юмым чарныде кумал.

№78 Величание

Тыйым моктена, тыйым моктена, святой орланыше (лүм), да Христос верч орланыметым пагален шарнена.

Мученицам двум и многим

№79 (59) Тропарь, глас 1

Öрыктарыше ушан пача-влак, корныдам мучашлен да ўшанымашым арален коден, Пача да Күтүчө Христос деке орланымаш дене кондалтында. Сандене ме таче Христосым моктена да тендан нерген святой шарнымашым куаныше чон дене пайремлена.

№80 Кондак, глас 4

Христосын орланышыже-влакым шарнен пайремлена да ўшан дене польшым йодшо-влакым чылаштым чыла ойго гыч утараш йодына, вет нуным чапландараш шонышо Юмына мемнан дене.

№81 Величание

Тендам моктена, тендам моктена, святой орланыше-влак (лүм), да Христос верч орланымыдам пагален шарнена.

Преподобной жене единой

№82 (70) Тропарь, глас 8

Преподобный (лүм) авана, мыланна Юмын пуымо түс тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

№83 Кондак, глас 2

Преподобный (лүм) авана, Господьым йöратымет верч тый тыныс илыш деч корангынат, пүтым кучен, шўлышетым сотемдаренат да янлык-влакым лүддымын сененат; мемнан ваштареш шогышо-влакымат шке кумалмет дене шалатен колто.

№84 Величание

Поро пиалан улметым моктена, Юмылан йöрышö (лүм) авана, тыйым пагален шарнена, вет тый мемнан верч Христос Юмынам сөрвалет.

Преподобным женам двум и многим

№85 Тропарь, глас 2

Христосын чапландарымыже-влак, кумылдан ойырен налын оръенже лийын, мландымбалысе каче деч шөрленда, поро подвиглан кушкын, курымашлык күкшытыш нöлталтында, чонда дене мотор да шуко түрлö порылыкан, монах ўдырамаш-влакын кў менгыже да законжо улыда! Тендам йöратен шарныше-влак верч чарныде кумалза.

№86 Кондак, глас 2

Сулык касарымашым түрыс налаш манын, шке капдам пүтö дене лунчыртен, Илышым Пуышым йүд-кече сулыкда верч сөрвален, язык деч эрнымашым Юмо деч налын, Пылпомыш Кугыжанышыш пуренда, мемнан верч Христос Юмынам сөрвалыза.

№87 Величание

Поро пиалан улмыдам моктена, Юмылан йөрышө авана-влак (лүм-влак), тендам пагален шарнена, вет те мемнан верч Христос Юмынам сөрвалета.

Преподобномученице единой

№88 (76) Тропарь, глас 4

Иисус, Тыйын (лүм) пачат кугу йүкын үжеш: Качем, Тыйым йөртем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йөртен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

№89 Кондак, глас 4

Тыйын нерген Юмын пуымо шарнымаш, (лүм), таче волгалтын, да тыйын илыш-корнетым почын ончыктен, тунялан кече гай лийын, кап-кылын сулык деке тайнымыжым шкендым пенгыдын кучымет дене сорлыкленат, орланымашын вүржө дене Христосын оръенже лийынат, сандене тыйым моктышо-влакым чыла ойго деч утаре да тыланет ойлена: юмылан йөрышө авана, куане.

№90 Величание

Тыйым моктена, тыйым моктена, орлыкым чытыше святой (лүм), тыйым пагален шарнена, вет тый мемнан верч Христос Юмынам сөрвалет.

Священноисповеднику и преподобноисповеднику

№91 Тропарь глас 8

Чын Ёшанымашке виктарыше, поро койыш-шоктышлан да яндарлыклан туныктышо, сандалыкын волгыдыжо, архиерей-влакын Юмын пуымо сылнылыкше, кугу уш-акылан (лүм), шүм-чонын семүзгарже, тый туныктымашет дене чыла волгалтаренат, мемнан чоннам утарыже манын, Христос Юмым сөрвале.

№92 Кондак, глас 2

Юмын пуымо ушан священный (лүм) ачана, пүтым кучымо дене куанен темын, тый капын йодмыжымат йортенат, шке ёшанымашет дене кушкын, райысе илыш пушенге семын пеледалтынат.

№93 Величание священноисповеднику

Тыйым моктена, тыйым моктена, святитель (лүм) ачана, тыйым пагален шарнена, вет тый мемнан верч Христос Юмынам сөрвалет.

№94 (53) Величание преподобноисповеднику

Поро пиалан улметым моктена, Юмылан йөрышө (лүм) ачана, тыйым пагален шарнена, вет тый монах-влакым виктарыше да суксо-влак дене мутланыше улат.

Праведному единому

№95 Тропарь, глас 2

Господь, Тыйын чын илыше (лүм-ым) шарныме кечым пайремлена да, тудым үжын, Тыйым сөрвалена: мемнан чоннам утаре.

Праведной единой

№96 Тропарь, глас 2

Господь, Тыйын чын илыше (лүм-ым) шарныме кечым пайремлена да, тудым үжын, Тыйым сөрвалена: мемнан чоннам утаре.

Праведным двум и многим

№97 Тропарь, глас 2

Господь, Тыйын чын илыше-влактым (лүм ден лүм-ым) шарныме кечым пайремлена да, нуным үжын, Тыйым сөрвалена: мемнан чоннам утаре.

Безмездникам и чудотворцам

№98 Тропарь, глас 8

Акым налде тыршыше да чудым ыштыше святой-влак, мемнан чернамат эмлаш толза: яра налме порылыкдам мыланнат яра пуыза.

№99 Кондак, глас 2

Моктымо эмлызе да чудым ыштыше-влак, паремдымаш порылыкым налын, ойгышто улшо-влаклан тазалыкым пуэда, öрыктарыше пашада дене тўням паремден, осал шўлышын алгаштарымыжым шке толмыда дене сеныза.

№100 (59) Величание

Тендам моктена, тендам моктена, чудым ыштыше эмлызе-влак (лүм), да Христос верч орланымыдам пагален шарнена.

Тыйым моктена, тыйым моктена, чудым ыштыше эмлызе (лүм), да Христос верч орланыметым пагален шарнена.

№101 Ино величание

Тендам моктена, öрыктарыше паша дене чапланыше (лүм), святой лүмдам волгыдын шарнена, вет те йомшо-влакым туныктышо, черле-влакым эмлыше, суксо-влак дене мутланыше улыда.

Христа ради юродивому

№102 Тропарь, глас 1

Христос Юмо, «ме Христос верч ораде улына» манын, Павел апостолет увертарен. Тидым колын, Тыйын (лүм) кулет мландымбалне Тыланет верч ораде лийын. Тудым пагален шарнен, Господь, Тыйым сөрвалена: мемнан чоннам утаре.

№103 Кондак, глас 8

Поро пиалан (лүм) ачана, Пылпомышысо моторлыкым муаш шонен, каплан тамле мландымбалысе ракат деч йöршын корангынат, тўнян арам пашажым коден, суксо илышым илен, поро мучашыш шуынат. Нунын дене пырля мемнан верч Христос Юмым чарныде сөрвале.

№104 Величание

Поро пиалан улметым моктена, чын илыше святой (лүм) ачана, тыйым пагален шарнена, вет тый мемнан верч Христос Юмынам сөрвалет.

Преподобномученице XX века

№105 Тропарь, глас 3

Господь Иисус Христосын ўшанле тунемшыже, Российысе Черкын ойырен налме пачаже, кугу орланымашым чытыше преподобная (лүм) Христосын

куштылго нумалтышыжым да сусыржым йӧратен нумалын, йӧсланымашын тошкалтышыж дене Тудын деке, Пылпомышысо Каче деке, лийшемынат. Россий калыкым поро койыш-шоктышышто аралыже да мемнан чоннам утарыже манын, Тудым сӧрвале.

Священномученику XX века

№106 Тропарь, глас 3

Священномученик (лӱм), Руш Черкын рӱдӧ менгыже, поро койыш-шоктышын сынже, Евангелийысе илышым ончыктышо, Христос верч вӱр марте орланыше, Тудым, Вуйлатышым да утарымашым Пуышым, чот сӧрвале: Святой Русьым Чын Ёшанымаште курым-курымлан пенгыдемдыже.